



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Rad. Petragoricen. Episcopo.

**urn:nbn:de:hbz:466:1-20006**

## 270 Epistolarum Innocentij III.

quando ad superiorem de-  
voluantur.

\* Leg. Conven-  
tibus, aut Col-  
legiis, aut Ca-  
pucinis

Cap. Nulla. De  
concess. prab.

rent, & obviarent fortius cupiditati mul-  
torum, qui vacantes Ecclesias suis usibus  
applicabant, tam antiquis temporibus  
quam modernis certum tempus Canonici  
& \* Concilii praefixerunt ultra quod  
nec Ecclesia debeat nec ecclesiastica  
beneficia seu præbenda vacare; non ap-  
probantes quod tamdiu vident, sed pre-  
caventes ne diutiū Ecclesia quilibet solito  
ministrorum obsequio defraudetur.  
Nos etiam ipsorum ac præsertim felicis  
recordationis Alexandri Papæ præde-  
cessoris nostri statuta sequentes, auto-  
ritate tibi præsentium indulgemus ut si  
monachi Dunelmen, vel alii quilibet le-  
ge diocesana tibi subiecti Ecclesias vel  
præbendas ad suam donationem spectan-  
tes ultra tempus in Lateranen. Concil-  
lio diffinitum vacare permiserint, ex  
tunc, monitione præmissa, sublato appella-  
tionis obstaculo, eas tibi liceat idoneis  
conferre personis. Nulli ergo &c. Da-  
tum ut suprā.

### EPISCOPO CESENAT.

Epist. 461.  
De relaxando  
interdicto.

**R**ediens de partibus Marchiae dile-  
ctus filius C. rr. sancti Laurentij in  
Lucina Presbyter Cardinalis, in quibus  
legationem sedis apostolicæ habue-  
rat, apostolatu nostro exposuit quod  
pro eo quod Cesenat. cum Marchoardio  
juraverant, & saepius requisiti a fide-  
litatem Ecclesie redire noluerunt, ter-  
ram ipsam interdicto supposuit. Quia ve-  
rò, sicut tam per literas tuas quam etiam  
populi Cesenat. nobis præsentatas acce-  
pimus, Marchoardi societatem penitus  
reliquerunt, cum aliis civitatibus Ro-  
mandiolæ conjurantes, tuis & ipsorum  
precibus inclinati, fraternitati tuae per  
apost. scripta mandamus quatenus rece-  
pto à tot & talibus quot & quales pro  
societate Ravennat. de Cesenat. jurave-  
runt, secundum formam Ecclesie jura-  
mento quod super his pro quibus inter-  
dicti fuerunt nostro debeat parere man-  
dato, interdictum auctoritate nostra re-  
laxes, reservans mandatum usque ad no-  
stræ beneplacitum voluntatis. Datum  
Laterani Idibus Decembris.

### RAD. PETRAGORICEN. Episcopo.

Epist. 462.  
Quod laici de-  
cimas à Cleri-  
cis exigere non  
possint.

**Q**uoniam indignum est, & rationi  
contrarium, ut laici, qui perso-  
nis ecclesiasticis decimas tenentur exol-  
vere, eas à Clericis rerum ordine præ-

posta confusione turbato extorquere  
praesumant, ad petitionem tuam univer-  
sis monasteriis, Ecclesiis, & Clericis tuę  
dioecesis duximus indulgendum, ut si for-  
tè quilibet laici suo nomine decimas ab  
eis amodo consuetudinis obtentu longe-  
væ vel aliis occasionibus duxerint exi-  
gendas, sit eis liberum quod ita postula-  
bitur denegare. Si verò laici, suæ animo-  
sitas spiritu concitati, violenter aliquid  
voluerint adversus præsentis indulti be-  
neficium attentare, tua fraternitas ap-  
pellatione remota eos ecclesiastico in-  
terdicto supponat. Datum Laterani  
XVIII. Kal. Ianuarij.

### CAPITVLO ARELATENSI.

**Q**vanto recentior est in Ecclesia ve-  
stra religionis introducta planta-  
tio, tanto diligentius in ipsis primordiis  
est cavendum ne aliquid honestati con-  
trarium nutriatur; quod cum ex confue-  
tudine fuerit confirmatum, ordinis cla-  
ritatem obtenebret, & difficilius, post-  
quam invaluerit, extirpetur. Cum au-  
tem ubi regularis ordinis professio ante-  
cessit, una esse debeat mensa fratrum, &  
unum dormitorium eorumdem, nisi aliquem  
quandoque infirmitas vel alia ju-  
sta causa excludat, præsentis scripti pa-  
gina prohibemus ne aliquis vestrum,  
post factam professionem, nec etiam ali-  
quis Canonicorum seu Clericorum secu-  
larium, obtentu alicujus consuetudinis  
cibos, qui sibi ex administratione quotidi-  
ani stipendijs apponuntur, extra clau-  
strum vestrum de cetero audeat expor-  
tare; sed infra, in locis ad hoc speciali-  
ter deputatis, simul dormiant, & man-  
ducent. Statuimus insuper & auctoritate  
apostolica prohibemus ne aliquis Cano-  
nicus vel Clericus Capitulis vestris ali-  
qua occasione nolentibus vobis intersit,  
nec quisquam ex ipsis vestibus rubeis  
vel viridibus seu capis manicatis vel aliis  
religioni contrariis uti aliqua insolentia  
seu temeritate præsumat. quod ab-  
jecta secularitatis saperet vetustatem,  
& scandalum in populo generaret. Illi  
verò qui super præmissis culpabiles de  
cetero potuerint inveniri, secundum  
Archiepiscopi vestri arbitrium canonici-  
cam subeant appellazione postposita ul-  
tionem. Constituimus etiam & præsen-  
tium auctoritate sancimus ut Clerici Ec-  
clesie vestre, qui non possunt, prout  
optarent, in ipsa Canonici fieri secula-

Epist. 463.  
Quodam Sa-  
tua super via  
ipsorum in-  
tuncur.